

Von gottes genaden Wilhelm vnd Ludwig gebriueder Pfalzugrauen bey Rhein Herzogen in Obern vnd Nidern Bayrn 2c.

hün aller menigklich in vnserm Herzogthümß Bayrn zürwissen. Wiewol wir vnns neülicher zeit/ einer neuen Ordnung/ vnd Landpots/ mit etlichen vnsern nachhern/ vnd anstossenenden Fürsten vnd Reichsteten/ verglichen/ vnd darauf ain gemain ausschreiben/ in vnserm Fürstenthümß Obern vnd Nidern Bayrn/ der Datum stet/ an sannd Martins tag/ des negstuerschinen/ drey vnd dreißigsten jars/ ausgeen lassen/ in wellichem/ der Trucken malhalber/ bey den Wirten/ irung vnd vngleicher verstand eingefallen ist/ in besonnder von den Wirten/ auch andern/ die fürnemlich/ der Erbern personen halben/ so pesser leben vnd mer Richt vnd Essen haben wollen/ gemainem nutz zügegen/ vil widerwertigkeiten einzewerffen/ vnttersteen. Demnach haben dieselben Fürsten vnd Stet/ vnns in diser sache/ zügewant/ züfürkomung/ merers irsals/ sich mit vns verrer veraint/ vnd ordnen hierauf mit disem vnserm ausschreiben/ vnd wollen/ das angezaigter Artigkl/ vnnsers vorberüerten ausschreibens/ hie mit aufgehebt/ vnd nachuolgender massen gesetzt vnd gehalten werden sol. Also/ das ainem yeden Gastgeb oder Wiert/ bey nachgesetzter peene/ durch sein Gerichts obrigkeit/ in vnsern Steten/ Märckten/ vnd aufm Lande/ verschafft vnd gepoten werden sol/ füran kainem Gast/ wer der sey/ vnd die malzeit bey ime nemen wil/ anderst nit/ dann das Truckenmal/ wie dasselbig/ laut vnnsers ausschreibens verordnet wirdet/ geben. Vnd dem Gast/ das getranck/ in was gestalt/ vnd sonil er des begert/ in sonderhait geben vnd rechnen sol. Wo aber ain gast/ sich des geordneten mals/ nit benüegen lassen/ vnd bas leben wolt/ So sol der wirt ime in allweg/ das geordnet Truckenmal nichts minder/ vnd darzū demselbñ gast/ was sein begern ist/ sonderlich fürsetzen/ das Truckenmal also für sich selbs/ vnd das ander in sonderhait bezallt nemen. Es sol auch der wirt/ bey hernachgesetzter peene/ nyemant sündern/ vnd on alle frag menigklich/ das Trucken/ vnd kain ander mal mittailen. Es wäre dann sache/ das ain gast/ das pferwert/ vnd minder oder geringer/ dann vier gewonlich richt/ zeeffen begern würd/ das sol ainem yeden stat gethon werden. Verrer so ist der straf halben vnnsers maynung/ wöllicher Wirt oder Gastgeb/ obuerschribner ordnung/ dermassen/ nit verfolg thün/ oder genüelich dowider handln wirdet/ der soll von yeder person/ die er anderst/ dann dise ordnung aufweyset gehalten oder dawider beschwärt hette/ fünffzehen kreutzer zü straff seiner Obrigkeit/ denen sonnst/ die straff in dissem fall züsetet/ vnabläplich verfallen sein. Doch vnns in vnserm Fürstenthümß/ gegen denen/ so in volziehung/ vnd handhabung diser ordnung/ oder in nemung der straff/ wissenntlich seümig oder hinlässig erfunden werdñ/ vnser straff vnd Landfürstlich obrigkeit/ vnd nach gelegenheit der leüff/ wo es not thüt/ verrer einsehung/ wie im besluss vorberüert/ vnnsers ausgangner neuen Ordnung vnd Landpot/ begriffen ist/ allzeit vorbehalten/ vnd mit disem vnserm ausschreiben/ denselben neuen ordnungen vnd landpotñ/ in all annder wege/ nichts benomer. Sonnder wie darinn begriffen/ zehaltñ/ vnd zehandhaben hiemit menigklich/ in vnserm Fürstenthümß/ in gannzem Ernst/ abermals verschafft r. Datum vntter vnserm hiefür gedrucktem Secrete zü Nürnberg den Vier vnd zwainzigsten des Monats Januarij. An

23
Pfalzugrauen
des R. Reichs
zu Speyer
1523